

# 國民 文獻 分類

民國文獻類編

歷史地理  
卷

939

民國時期文獻保護中心  
中國社會科學院近代史研究所  
編

國家圖書館出版社

民國文獻類編

歷史地理  
卷  
939

民國時期文獻保護中心  
中國社會科學院近代史研究所  
編

國家圖書館出版社

2812-6  
10/939

2812-6/8

姬覺彌 輯

哈同先生榮哀錄（四）

愛儷園，一九三三年出版

# 第九三九冊目錄

|                   |                  |             |     |
|-------------------|------------------|-------------|-----|
| 哈同先生榮哀錄(四)        | 姬覺彌輯             | 愛儷園，一九三三年出版 | 一   |
| 古瑞庭先生哀思錄          | 香港東雅印務公司，一九四六年出版 |             | 一四三 |
| 十畝草堂紀念冊(附萃墩閣藏書目錄) | 一帆先生六一壽辰印書編校會編   |             |     |
| 一九三五年出版           |                  |             | 一八一 |
| 省躬草堂同門錄(一)        | 民國間出版            |             | 三四五 |

哈同先生榮哀錄

習寔題端





歐司愛哈同先生榮哀錄

徵文類 詩

一粟生

客星忽隕滬江濱照眼紅榴足愴神夷夏之間爲市隱李

李提林摩太林

林樂知

而後又傳人萬家生佛慈航淚一代馨香慧業新述作名山

垂不朽何須負荷問傳薪

航海來觀上國光心焉美富羨宮牆遠模廣闢儲才館繼絕宏開  
選佛場偶展新猷談貨殖更敦古處會冠裳平生事業斯爲盛豈  
獨吟壇賴主張

處士星高指少微年年七夕培騰輝藝林推重身增價物望如流  
衆共歸兩字聲名中外滿雙修福慧古今稀一朝撒手騎箕去天

上人間事已非

記曾介壽遠陳詩歲月駸駸閱幾時會面竟慳緣一線招魂遙奠  
酒盈卮飾終典禮新兼舊會葬威儀正亦奇最是主成三鼎甲千  
秋佳話遍華夷

王元慶

先生生猶太自昔誕俊民地名倍克特突厥古城闐五齡遷孟買  
早孤始食貧獨力奉甘旨肫孝事萱親弱冠丁母喪子影來春申  
執業兩鉅肆沙遜舊與新習勤守職務服勞多苦辛待人兼接物  
儒雅貌恂恂十年如一日元化轉陶甄事業歲發皇創肆更輪囷  
法英董議席庶謀僉咨詢蛟龍得雨澤虎豹軼風塵功成業亦就  
朱陳締良姻羅家逮淑女夫人始來嬪黽勉同心結閨房樂天倫



愛儷築芳園蓬瀛世所珍唱隨恣游賞月夕與花晨射圃習禮讓  
歲時集嘉賓會友講文藝懷抱攄經綸藏經近萬卷甲乙印貞珉  
法秉播大千欲使風俗醇頌佛結古菴梵唄造勝因鑒知失學苦  
教養誠諄諄佐政託摯友胞與施慈仁庠序遍滬浙振恤千萬緡  
澤溥貲反益施報乃適均於以見天意橐籥鑄鴻鈞彼富而吝者  
此語可書紳胡天不憖遺一朝病纏身名醫識洞垣藥石難回春  
追溯蒞滬年花甲剛一巡眉壽躋八袞時衰等獲麟哀感動行路  
春聲罷四鄰噩音傳海外弔唁傾要津吁嗟如公賢賓萌得幾人  
悲歌賦薤露藉以告明神後世欲知公是詩差得真垂之千百年  
令聞或不湮

王西麓

先生非我族憂世此心同崇古維王化尊經挽敵風制宜因勢異  
借箸代謀忠慚愧中華士扶持仗寓公

一廛聊乞借小隱託淞濱人世神仙眷中西市井臣適來安樂國  
居擬武陵春我欲攜家去因之作比鄰

不須談族類生抱救時才佳白同齋志陶朱善用財望中懷齒德  
空際想樓臺桃李門牆盛春時手遍栽

中國居之久相安卽梓桑起家黃歇浦埋骨白雲鄉舉世聲名滿  
仙家日月長斯人眞達者遙奠一飛觴

王里仁

吾愛哈夫子西來作客卿閭閻咸食德闡闡早成名佛印通禪旨  
田文下士情巍巍華表在相與說生平

獨有滬江濱園林萬古春人間卽天上後果總前因散粟鴻來集  
聽經虎亦馴載瞻遺像肅悔未挹清塵

王和

君從西方來應向西方去華表一飛鳴孟買城如故  
清淨祇樹園移來歇浦側曇花千萬株色相誰能識  
人皆豔君富吾猶惜君貧焉得恆河沙化金濟斯民  
揭諦復揭諦願言請諸帝輪迴大士身早生人間世

王晉杰

海國有嘉樹移植到中土綿綿六十年鬱鬱枝柯古風來散妙音  
琅琅讚佛祖能爲學市槐春風被鄒魯能布百畝陰蔭喝當炎暑  
願我園中花遷地多失所恆遭非種鋤海外難託宇惟此百尺條

梗泛初無主孟買非樂郊連年困斤斧莽莽欲何之神州奠大禹  
好風與吹噓飄然遂至滬蟠據既得地萬花及時吐菲菲復菲菲  
嘉惠我士女靈椿享大年千秋耀歇浦如何移天上一夕來風雨  
衆鳥失歸依星月變淒苦浴蘭采艾節靈均昔辭楚芳馨難久淹  
摧折恆夏五撫松重徘徊悲歌託樂府

毛將圖

南部因緣熟東方妙喜開萬重浮弱水一蹴上強臺別創英雄局  
甯誇卜卓才前身應受記多寶證如來  
伊昔夸毗子乘時但偶然安知推巨擘祇是仗空拳細壤堆成嶽  
微流匯作淵史家書貨殖卓犖勝前賢

大業卑崇愷客卿抗赫戈黜華無步障佚老有行窩惇獨歸仁宇

賢才入禮羅留人賦叢桂都市卽山阿

廓然無所執孔佛與回耶閱藏超千卷搜殘萃百家書成天雨粟  
法說地皆花豈獨名山業流傳未有涯

堅苦忘頭白聲稱付汗青名成廣倉會功在可蘭經大道今塵土  
斯人尙典型壁間絲竹韻于野感冷冷

太息風流盡英靈長在茲園應空梓澤莊獨比斛斯感歎平生事  
低回故國思九原如可作畸行亦吾師

朱仲節

憶昔辛酉春來作海上嬉時值祀倉聖開園得縱窺綠林迤邐入  
巍然見崇祠主祭馮蒿叟黃髮古威儀六瑚具陳列四懸奏參差  
間以八佾舞恍復三代規觀罷長太息問舉事者誰知爲哈同君

長揖前致詞謂今新學盛六書棄如遺感君殊方客用心乃至斯  
去後踰十載日月如奔馳昨者復來游聞君竟西歸高山失景仰  
愴然不勝悲拈豪擬哀挽展轉復思維君名自赫赫君業更巍巍  
懿行及善舉灼然久交推千口同一聲奚煩贅辭爲惟此當年事  
感我入心脾斯人今長往斯風將永微望古有深慨來者孰堪追  
過園滋腹痛觸我無窮思抒哀綴短歌甯寫寸心私

朱棣孫

春申江上有名園花木深深足避喧麗矣春遊偕德耀達哉羸葬  
學王孫穠花嫩蕊齊含淚仙犬靈禽並荷恩風景不殊主人去椒  
漿桂醕與招魂

來從西海作賓萌六十餘年仰盛名行路交稱留姓氏靈光遽賈

失耆英咸欽風誼將金鑄不少孤寒感玉成此日重來增棖觸海  
棠艇畔鬱佳城

豈徒貨殖比陶公早歲循陔孝養隆指點迷途繙梵夾闡揚樸學  
守儒風案盈倉籀斯冰字名滿亞歐非美中還記稱觴霞醞熟去  
年今日祝仙翁

摩挲老眼看桑田矍鑠還應勝少年靜聽松風彈古調俄聞薤露  
奏哀絃平生所寶勤兼儉此去眞成佛與仙遠近親疏齊執紼一  
尊絮酒萬花圈

朱新鼎

心交不相見詎料見無期造謁疏難悔神明杳莫追使君天遽奪  
幾夕夢猶疑傳世文誰定端應望故知

謂姬君覺彌及萬年耆老  
會暨廣倉學文會諸君



入世看殊淡，蠲金計早成。寸心精計學，一意謝浮榮。誰識尊經意，  
猶然復古情。可憐洪水劫，遺澤溯先生。謂今夏洪水成災，待賑孔殷而先生已歸道山。  
傳說大星杳，蒲榴照眼妍。先生於夏歷蒲節前一日酉刻含笑逝。仁多壽者相，富更  
地行仙。古道禪爲侶，新書刊引年。渾忘今甲子，屢上泰峯顛。  
避俗仍近市，名園花木深。樓臺度竹素，梵唄出松陰。不信逃名者，  
偏存濟世心。愁看塵海外，營奠客如林。

江汝微

王陽作黃金，其術不可知。陶朱書具在，陳義亦已卑。屋子果塞破，  
天假非人爲。白髮最公道，貧富來如期。先生達此理，年壽終有涯。  
沒世疾無稱，行樂貴及時。結搆暢游息，剗剗供唔咿。豪爽殆天性，  
推食還解衣。灾荒偶見告，振卹奚敢辭。秦越視肥瘠，談次深鄙夷。



江河決今歲高原水牛扉遊魂化魚鼈饞吻膏蛟螭斯人邁種德  
惜哉道山歸不然振臂呼定許援災黎前徽孰克紹學佛應慈悲  
謂迦陵女士九牛去一毛載道皆口碑歸美及逝者不朽當在茲挾張  
勝文字冥福兼以資

汪韓譽

來自海西頭慈悲大士流沉淪哀祖國施濟普神州錫嘏天公厚  
資生地道悠名園三百畝伉儷足優游  
廣廈容寒峻奇書校典墳燕毛曾養老駿骨早空羣貝葉紛成海  
曇花散入雲感恩與知己淚雨各紛紛

沈則琦

春申江畔愁雲裂夏綠霜凋慘無色南極光韜蝕衆星東歐僑寓